

Պ. Հարությունյան

ԲԱԳՐԱՏՈՒՆՅԱՑ ԶՅՈՒՂԱԳՐՈՒԹՅԱՆ ՀԱՐՑԻ ՇՈՒՐՋԸ

Ղ. Ալիշանը¹ և Մարկվարտը² Բագրատունյաց ճյուղագրական տախտակները կազմել են հիմքում (բունը) գնելով Մանվել Բագրատունուն և վերջինիս որդին համարել են Վրկանի մարզպան Սմբատ Բագրատունի հոսորով-Շումին³ Ն. Ակինյանը⁴ փորձում է Բագրատունյաց ճյուղագրությունն ավելի առաջ տանել և մի կապակցված շղթայի մեջ գնել (հորից որդի՝ նաև նախորդ՝ 4—5-րդ դարերի Բագրատունիներին, Բայց քանի որ մինչև 6-րդ դարի վերջերս եղած Բագրատունիների մասին աղբյուրների վկայությունները խառն են ու կցկտուր, նա ևս իր կազմած ճյուղագրական տոհմածառը հիմնականում սկսում է 6-րդ դարի վերջերից՝ միայն թե ի տարբերություն նախորդների Սեն-Մարտենի, Ղ. Ալիշանի, Մարկվարտի), նա Վրկանի Մարզպանին համարում է ոչ թե Մանվել Բագրատունու որդին, այլ՝ Պապ Բագրատունու որդին։

Բագրատունյաց ճյուղագրության վերաբերյալ առաջ եկած տարաձայնությունները արդյունք են ոչ միայն աղբյուրների հակասական տեղեկությունների, այլև այն բանի, որ 6-րդ դարի 2-րդ կեսից սկսած նկատելի է դառնում Բագրատունիների զորացումը Հայաստանում։ Հատկապես Վրկանի Մարզպան Սմբատ Բագրատունու ժամանակ է, որ Բագրատունիները՝ հասնելով տնտեսական և քաղաքական ուժեղ դիրքի, ձգտում են Հայաստանում՝ Արշակունիներից հետո, հիմնել մի նոր ինքնուրույն թագավորություն՝ որին նրանք հասան միայն 9-րդ դարի 2-րդ կեսին)։ Պատմաբանների ու բանասիրների տարաձայնություններն ամենից շատ վերաբերում են Վրկանի Մարզպան Սմբատ Բագրատունուն, որը փաստորեն հանդիսանում է հետագայում զորացող, և Հայաստանում թագավորող Բագրատունիների նախահայրը։

Այս պատճառով էլ, միանգամայն իրավացի են այն պատմաբանները, որոնք Բագրատունյաց ճյուղագրությունը քննության են առնում 6-րդ դարի վերջերից սկսած։

Պրոֆ. Բ. Պատկանյանը⁵ և ակադ. Ստ. Մալխասյանը՝ գտնում են, որ այս ժամանակաշրջանում Հայաստանում գործում էին երկու Սմբատ Բագրատունիներ, որոնցից՝ Մանվելի որդին գտնվում էր բյուզանդական ծառայության մեջ, և ղավագրության մեջ ընկնելով, արսորվեց Աֆրիկա, իսկ մյուսը գտնվում էր պարսկական ծառայության մեջ, և իր տարած հաղթանակների շնորհիվ դառնալով հոսորով 2-րդի սիրելի զորավարներից մեկը, նշանակվեց Վրկանի Մարզպան և կոչվեց հոսորով-Շում։

¹ Ղ. Ալիշան — Շիրակ։

² Մարկվարտ — Վրկան Բագրատունյաց ծագումը («Հանդէս Ամսօրեայ», 1918 թ.)։

³ Ն. Ակինյան — «Հայ Բագրատունիները, տոհմածառը» («Հանդէս Ամսօրեայ», 1930 թ.)։

⁴ Себеос. История императора Иракла, СПб. 1862, стр. 137.

⁵ История Себеоса епископа, Ереван. 1989 г., стр. 161, стр. 106.

Ահա այս վերջին Սմբատի ժամանակ է, որ սկսվում է Բագրատունիների վերելքը. նա է, որ հանդիսանում է իր տոհմակիցների տնտեսական և քաղաքական բարձրացման հիմնադիրը: 2. Մարկվարտը հակառակ այս կարծիքի, գտնում է, որ այդ ժամանակ Հայաստանում կար մեկ Սմբատ Բագրատունի՝ այն է Մանվելի որդին, որը Աֆրիկա արքայից հետո, փախչում է Պարսկաստան (թե երբ և ինչպես, ցույց չի տրվում) և դառնում խոսքով 2-րդի սիրելի զորավարը: Իսկ ն. Ակինյանը, ինչպես վերևում ասվեց, հակառակ այս կարծիքների, գտնում է, որ Վրկանի Մարզպան Սմբատ Բագրատունին հանդիսանում է Պապ Բագրատունու որդին (եկարող է համարվել նաև Աշոտի կրտսեր որդին):

Պատմական դեպքերի և փաստերի, ինչպես և աղբյուրների, հատկապես Սեբեոսի վկայությունների մանրամասն քննությունները մեզ բերում են այն համոզման, որ իրոք այդ ժամանակ Հայաստանում գործում էին երկու Սմբատ Բագրատունիներ, որոնցից՝ Մանվելի որդին արքայվում է Աֆրիկա, իսկ մյուսը՝ Պարսկաստանում ստանալով պետական բարձր պաշտոններ ու պատիվներ, նշանակվում է Վրկանի Մարզպան: Այս Վրկանի Մարզպան Սմբատ Բագրատունին ոչ Մանվելի որդին է (ինչպես գտնում են Մարկվարտը և ուրիշները)¹ և ոչ էլ Պապ Բագրատունու որդին է (ինչպես կարծում է ն. Ակինյանը), այլ՝ նույն ինքը Պապ Բագրատունին է (որը պատմագրության մեջ հիշվում է երկու անունով — Պապ և Սմբատ), հետևապես, Աշոտ Ասպետի որդին է: Այս նոր կարծիքը, որ փոփոխության է ենթարկում Բագրատունյաց ճյուղագրական տախտակը (տոհմածառը), ապացուցելու համար, քննության ենք առնում աղբյուրների, հատկապես Սեբեոսի վկայությունները, երկու Սմբատների վերաբերյալ:

Բյուզանդական Մորիկ կայսեր օգնությամբ 591 թվին Պարսկաստանում դահ է բարձրանում խոսքով 2-րդը: Վերջինս Բյուզանդիային է զիջում Մարզպանական Հայաստանի մեծ մասը: Մորիկ կայսրն արևելքում, հանձնելով խոսքով 2-րդի ունենալով «հավատարիմ» բարեկամ և ամրացնելով իր թիկունքը, սկսում է պատերազմական գործողություններ վարել Թրակիայում: Նա այս կապակցությամբ սկսում է զորահավաք կատարել Հայաստանում և իր իշխանության տակ գտնվող հայ իշխաններին՝ իրենց զորքով ուղարկել Թրակիա: Հայերը, դժգոհ մնալով Մորիկի այս քաղաքականությունից, սկսում են խռովություններ և ապստամբություններ կազմակերպել ընդդեմ Բյուզանդիայի: Այն ժամանակ Մորիկը գիմում է խոսքով 2-րդին մի գրությամբ, որի բովանդակությունը բերում է Սեբեոսը. «Ազդ մի խոտոր և անհնազանդ են, ասէ, կան ի միջի մերում և պղտորեն: Բայց եկ՝ ասէ, ես զիմս ժողովեմ և ի Թրակէ գումարեմ. և դու զքոյդ ժողովէ և հրամայէ յԱրևելս տանել: Զի եթէ մեռանին՝ թշնամիք մեռանին. և եթէ սպանանեն՝ զթշնամիս սպանանեն. և մեր կեցցուք խաղաղութեամբ: Զի եթէ դոքա յերկրի իւրեանց լինիցին, մեզ հանգչել ոչ լինի»:

Սեբեոսի վկայությամբ, երբ Մորիկն սկսում է հայերին հավաքել Թրա-

¹ Հանդէս Ամսօրեայ, 1930 թ., էջ 640:

² Հա. Զանգուղյան — խոսքով Շումը Մանվելի որդի Սմբատ Բագրատունին է: (Տեղեկագիր ՍՍՌՄ Գիտությունների Ակադեմիայի Հայկական ֆիլիալի, 1943 թ. № 3, էջ 49—54):

Գաղմուքի Սեբեոսի նպակագրի ի հերակին, Թիֆլիս, 1913 թ., էջ 75:

կիա ուղարկելու համար, հայ իշխաններից ոմանք փախչում և անցնում են Պարսկաստան:

Խոսքով 2-րդը նրանց ընդունում և սկսում է սիրաշահել: «Իսկ նա զամենեսեան ընդունէր մեծարանաւք եւ մեծամեծ պարգևս քան զկայսր պարգևէր նոցա... եւս առաւել մեծապէս սիրով կամէր կորզել առ ինքնա՝ Արևմտյան-Բյուզանդական Հայաստանից դեպի Պարսկա-Հայաստան փախչող իշխաններն էին՝ Սամվել Վահուտին, Ատատ Խորխոռունին, Մամակ Մամիկոնյանը, Ստեփանոս Սյունին, Կոտիտ Ամատունին և Թեոդոս (Թեոդորոս) Տրպատունին, որոնք իրենց հետ ունեին երկու հազար հեծյալներ: Ինչպես երևում է, նրանք նպատակ են դնում պայքարել բյուզանդական կայսրի ու պարսից արքայի դեմ. «բռնութեամբ զերկիրդ մեր ի մեզ դարձուցուք»,— արում է նրանց մտադրության մասին Սեբեոսը: Սակայն Նախիջևան հասնելուց հետո նրանց միջև պառակտում է առաջանում. «քակտեցան խորհուրդը միաբանութեան. ոչ հաւատալով միմեանց»¹ Երբ նրանց շրջապատում են մի կողմից պարսից և մյուս կողմից՝ բյուզանդական զորքերը, և առաջարկում են հնազանդվել, այն ժամանակ Մամակ Մամիկոնյանը, Կոտիտ Ամատունին և Ստեփանոս Սյունին իրենց համախոհներով անցնում են պարսիկների կողմը և հայտնում իրենց հնազանդությունը: Իսկ Ատատ Խորխոռունին և Սամվել Վահուտին իրենց զորքով փախչում են Աղվանից աշխարհը և Կուր դեպի մյուս ափին բանակ դնում:² Այստեղ նրանք, երկրորդ կրելով հոներից, սկսում են բանակցություններ վարել իրենց հետապնդող բյուզանդացիների հետ, և ընդունելով նրանց պայմանները, վերադառնում են Բյուզանդիա: Կայսրն Ատատ Խորխոռունուն իր զորքով ուղարկում է Թրակիա:³ Սամվել Վահուտին, Թեոդորոս Տրպատունին և նրանց ազգակից ու համախոհ իշխանները նորից են ապստամբում Բյուզանդիայի դեմ. բայց պարտվելով,⁴ ենթարկվում են գլխատման: Թրակիայի կողմերում առաջացած սպառնալիքը վերացնելու համար, Մորիկը հրամայում է Հայաստանում կատարել նոր զորահավաք է ուղարկել Թրակիա: Նա Թրակիա է ուղարկում հայ իշխաններին ու զորքը, Մուշեղ Մամիկոնյանի ղեկավարությամբ: Մուշեղ Մամիկոնյանն այնտեղ զոհվում է:⁵ Մորիկը 3-րդ անգամ է պահանջում, որ Հայաստանից զորք ուղարկեն: Հավաքում են 2000 հեծյալ, որոնց գլուխ կանգնում են Սահակ Մամիկոնյանը և Մանվելի որդի Սմբատ Բազրատունին. «Յայնժամ ի խնդիր ելեալ ընտրեցին արս ԲՈ սպառազէնս եւ ետուն յերկուս արս հաւատարիմս: Մի հազար ցՍահակ Մամիկոնեան. եւ մի հազար ի ձեռն Սմբատայ Բազրատունւոյ որդւոյ Մանուէլի»: Սահակ Մամիկոնյանն իրեն հանձնված մի հազարյակ զորքով գնում է Սեբաստիա, և այնտեղից անցնում Բյուզանդիա: Իսկ Մանվելի որդի Սմբատ Բազրատունին՝ իր հազարյակով գնում է Խաղտյաց կողմերը:⁶ Այստեղ նա սկսում է տատանվել, որոշում է չգնալ

¹ Գամաթիւն Սեբէոսի Եպիսկոպոսի ի հերակլն, Թիֆլիս, 1913 թ., էջ 76:

² Նույն տեղում, էջ 77:

³ Նույն տեղում, էջ 78:

⁴ Նույն տեղում:

⁵ Նույն տեղում, էջ 79:

⁶ Նույն տեղում, էջ 79—80:

⁷ Նույն տեղում, էջ 83—83:

⁸ Նույն տեղում, էջ 83:

⁹ Նույն տեղում:

Բյուզանդիա: Սակայն նրան համոզում են ներկայանալ կայսրին: Երբ Սմբատըն իր զորքով ներկայանում է, կայսրն այդ զորքն ուղարկում է Քրակիա իսկ Սմբատին հնարավորություն է տալիս վերադառնալ Հայաստան¹ Հայաստանում նախարարները նորից փորձում են միաբանել և թոթափել բյուզանդական լուծը: Նրանք մտածում են՝ քանի որ իրենք կայսրի կողմից ուղարկվում են Քրակիա պատերազմելու և մեռնելու, ավելի լավ է պատերազմել և մեռնել հանուն իրենց անկախության: Նրանք մտադրվում են ապստամբել Բյուզանդիայի դեմ: ձեռք բերել անկախություն և հիմնել ինքնուրույն թագավորություն— «Ապա դարձեալ սկսան միաբանել մնացեալ նախարարն Հայոց, եւ խնդրէին ի բաց կալ ի ծառայութենէն յունաց թագաւորին. եւ նստուցանել իւրեանց թագաւոր, զի մի՛ և նոցա հասցէ մեռանել ի կողմանս Քրակացոց, այլ կեալ և մեռանիլ ի վերայ աշխարհին իւրեանց»²: Բայց իշխանները չեն միաբանում և նրանց այս մտադրությունը շուտով հայտնի է դառնում կայսրին: Հավանական է, որ Հայաստանում ինքնուրույն թագավորություն հիմնելու նպատակով կազմակերպվող այս նոր ապստամբության առաջնորդն ու ղեկավարը եղել է Մանվելի որդի Սմբատ Բագրատունին, որը, ինչպես վերևում ասվեց, չէր ցանկանում իրեն հանձնարարված զորքը տանել Բյուզանդիա: Հայ իշխանների այս մտադրությունը հայտնի է դառնում կայսրին, նրա հրամանով կալանավորվում է Սմբատ Բագրատունին (Մանվելի որդին) յոթ այլ իշխանների հետ (որոնց անունները պատմագիրը չի հիշատակում), և ուղարկվում Բյուզանդիա, հրապարակային դատի ենթարկվում:

Ահա թե ինչ է ասում Սեբեոսը Մանվելի որդի Սմբատ Բագրատունու մասին — «Եւ քննեալ զնոսա Սմբատ Բգր. և 7 իշխաններ) ի մէջ բազմամբոյս հրապարակին, հատաւ (կայսրը) վճիռ ի վերայ նոցա՝ մերկացուցանել և բնկենոյ ի կիւնիկն: Եւ էր սա (Սմբատ Բգր.) այր անհեթեթ անձամբ եւ գիղեցիկ տեսլեամբ. եւ բարձր եւ լայն հասակաւ. եւ բուն եւ ցամաք մայմ. նով: Յայնժամ հզաւր և պատերազմող որ ի բազում պատերազմուս ցուցեալ էր զիւր քաջութիւնն եւ զբռնութիւն: Այս է զարուծիւն նորա. քանզի անցեալ սա ի ներքոյ անտառախիտ մայրեաց և զարաւոր ծառոց՝ ի վերայ յաղթանդամ եւ հզաւր երիվարին, եւ յարձակեալ զոստով ծառոյն բուն հարկանէր եւ կծկեալ ուժգին երանաւրն եւ ոսիւք զմէջ երիվարին վերացուցանէր երանաւրն ի գետնոյն. մինչ զի ամենայն զարացն տեսեալ ահաբեկ լինէին ի զարմացմանէս»³:

Սրանով չեն վերջանում Սմբատի քաջագործությունները կրկեսում. նրա վրա բաց են թողնում արջ, որին սպանում է բռնուցքի մի հարվածով, ապա բաց են թաղնում ցուլ, որին ևս հաղթում է, հետո բաց են թողնում առյուծ, որին սպանում է: Այս բոլորից հետո՝ նա արժանանում է ներման⁴ Կայսրը նրան ներելով, որոշում է, ոչ թե ուղարկել Հայաստան, այլ արքորել Աֆրիկա — «Եւ զկնի սուղ ինչ անցելոց, մանաւանդ եթէ՛ ոչ ի շար ինչ կամաց թագաւորին, այլ ի նախանձորդաց շարախօսութենէ, հրամայլ հանել զնոսա ի նաւ եւ արքորել ի կղզիս հեռաւորս. եւ ապա անտի հրամայլ անցուցանել յԱֆ-

¹ Նույն տեղում, էջ 86.

² Նույն տեղում.

³ Նույն տեղում, էջ 87.

⁴ Նույն տեղում, էջ 88.

րիկէ, եւ առնել նոցա անդ ի մէջ նոցա, եւ առնել զնա անդ ի մէջ գաւ-
րացն՝ որ էին անդ ի բուն»։

Ահա այստեղ էլ վերջանում են Սեբեոսի վկայութիւնները Մանվելի որդի
Սմբատ Բագրատունու մասին։ Անհայտ է մնում, թե նա իր յոթ ընկերներով
որքան մնաց հեռավոր կղզիներում և կամ, երբ տեղափոխվեց Աֆրիկա։ Հի-
շատակութիւն չկա նաև այն մասին, թե նրանք Աֆրիկայից վերադարձել են,
թե ոչ։

Այս բոլորը պատմելուց հետո, Սեբեոսը պատմում է նաև պարսից պա-
լատում հանդես եկող Սմբատ Բագրատունու մասին։ Պատմաբանների և բա-
նասերների մի մասը ենթադրում են, թե դա դարձյալ նույն Սմբատն է (այս-
ինքն Մանվելի որդին), որը հանկարծ հանդես է գալիս Պարսից պալատում։
Այդպես կարծելու կամ ենթադրելու հիմք չկա, քանի որ աղբյուրներում որևէ
վկայութիւն չկա, թե Մանվելի որդի Սմբատը Աֆրիկայից վերադարձել է, թե
ոչ։ Մանվելի որդի Սմբատ Բագրատունին որքան վտանգավոր էր Բյուզան-
դիայի համար, նույնքան էլ վտանգավոր պիտի լիներ Պարսկաստանի համար։
Նա՝ ի տարբերութիւն մյուս նախարարական դավադրութիւնների, իր համա-
խոհների հետ մտադրվում է Հայաստանում հիմնել ինքնուրույն թագավորու-
թիւն, իսկ գա այնպիսի մի գործ էր, որ հավասարապես հարվածում էր թե
Բյուզանդիային և թե՝ Պարսկաստանին։

Մանվելի որդի Սմբատ Բագրատունին մնում է Աֆրիկայում։ Միանգա-
մայն անհավանական է Մարկվարտի ենթադրութիւնը, թե «հետեւելով հայ
մյուս իշխանների օրինակին, կայսրահայտակ Բագրատունին փախչում է ար-
սորից և ապավինում պարսկական արքունիքում, դառնում է խոսրով Բ-ի
սիրելի գորավարը»։ Աղբյուրներում չի հիշատակվում Մանվելի որդի Սմբատի,
կամ նրա հետ արքունիքում իշխաններից որևէ մեկի փախուստը Աֆրիկայից։
Նրբորդ, ոչ թե նա էր հետեւելու «հայ մյուս իշխանների օրինակին»՝ որոնց
մասին վկայութիւն չկա, թե այդ որ իշխաններն էին), այլ, այդ «մյուս իշ-
խաններն» էին, որ պետք է հետեւին նրա օրինակին, քանի որ նա հանդի-
սանում էր նրանց առաջնորդն ու ղեկավարը։ Նրբորդ, եթե նա, կամ նրա հետ
արքունիքում իշխաններից որևէ մեկը փախուստի փորձ կատարած լիներ, ան-
կարելի է, որ այդ փաստը մոռանար արձանագրել Սեբեոսը, որն այնքան
խնամքով և ուշադիր կերպով արձանագրում է այդ ժամանակաշրջանին և իշ-
խաններին վերաբերող ղեկքերը։ Այսպես, օրինակ՝ Սեբեոսն ամենայն ման-
րամասնութեամբ պատմում է -- Ատատ խորխոռունու նոր փախուստը Բյու-
զանդիայից (Մորիկը Ատատ խորխոռունուն հրամայում է գնալ Թրակիա, իսկ
նա որոշում է փախչել Պարսից թագավորի մոտ)։¹ Իսկ երբ սպանվում է Մո-
րիկ կայսրը, Ատատ խորխոռունին որոշում է ապստամբել պարսիկների դեմ և
ղնալ Բյուզանդիա։²

Ատատ խորխոռունու մասին այլքան մանրամասն պատմող պատմագի-
րը չէր կարող մոռանալ կամ անտեսել իր կողմից այդքան առասպելական
դրոյններով նմարադրված Մանվելի որդի Սմբատ Բագրատունու փախուստը։

Իսկ ո՞վ էր պարսից պալատում հանդես եկող և վրկանի մարգպտն նշա-

¹ Նույն տեղում, էջ 89։

² Նույն տեղում, էջ 111։

³ Նույն տեղում։

նակված Սմբատ Բագրատունին: Այս հարցի լուծման համար, դարձյալ պետք է քննության առնել Սեբեոսի վկայությունները և հանգել ճիշտ եզրակացության:

* * *

Պետք է նկատել, որ Հայաստանի բաժանումից հետո, եղել են հայ իշխանական տներ, որոնց անդամների մի մասը գտնվել է Բյուզանդական ծառայության մեջ, իսկ մյուս մասը՝ պարսկական: Այսպես, օրինակ՝ Մամիկոնյաններից — Սահակ, Համազասպ, Մուշեղ Մամիկոնյանները ծառայում էին Բյուզանդիային,¹ իսկ Գաղիկ, Մամակ Մամիկոնյանները՝ Պարսկաստանին:² Նույնը նկատվում է նաև Բագրատունիների մոտ, որոնցից Մանվելի որդի Սմբատ Բագրատունին գտնվում էր Բյուզանդական ծառայության մեջ (ե աքսորվեց Աֆրիկա), իսկ այլ Բագրատունիներ, — ինչպես Աշոտ Ասպետր և նրա որդին՝ գտնվում էին պարսկական ծառայության մեջ: Այս երեւոյթը բացատրվում է նրանով, որ միևնույն նախարարական տան անդամներից ոմանց կալվածքները գտնվում էին Պարսկական մասում, իսկ մյուսները՝ Բյուզանդական մասում: Ահա այդ պարսից գերիշխանության տակ գտնվող Բագրատունիներից էր այն հայտնի զորավարը, Սմբատ Բագրատունին, որը պարսից արքայի դահլիճում արժանացավ 3-րդ գահին և նշանակվեց Վրկանի մարզպան ու կոչվեց Խոսրով-Շում:

Սեբեոսն իր Պատմության 10-րդ գլխում խոսելով Բյուզանդական Հայաստանում գտնվող իշխանների, և սրանց թվում նաև Մանվելի որդի Սմբատ Բագրատունու մասին, և հիշատակելով վերջինիս Աֆրիկա աքսորվելը, դրանով վերջացնում է այդ գլխում եղած պատմությունը: Հետևյալ 11-րդ գլուխը նա անմիջապես նվիրում է պարսից գերիշխանության տակ գտնվող հայ իշխաններին:

Սեբեոսի պատմության 11-րդ գլուխն ունի հետևյալ վերնագիրը — «ԿոչիլյԱսորեստան եւ պատուիլ յարքայէն Խոսրովայ այնց նախարարաց, զոր Համարակարն եթող, եւ զօրաց նոցա նստիլ յԱսպահան»:

Ո՞վքեր էին այդ իշխանները — «զոր Համարակարն եթող» — և որոնց զորքը նստում էր Սպահանում: — Դրանք 6-րդ գլխում հիշատակված այն հայ իշխաններն էին /Ատատ Խորխոռունի, Սամվել Վահևունի, Մամակ Մամիկոնյան, Ստեփանոս Սյունի, Կոտիտ Ամատունի, Թեոփոս Տրպատունի «եւ հեծեալք իբրեւ երկու հազարք», որոնք մտադրվելով ապստամբել Բյուզանդիայի դեմ, փախչելով բանակ էին դրել Նախիջևանում: Սակայն այդ իշխանները պառակտվում են միմյանցից. մի մասն անցնում է պարսիկների կողմը (Մամակ Մամիկոնյան, Կոտիտ Ամատունի, Ատեփանոս Սյունի և այլն):

Պարսկաստանի կողմն անցած այդ իշխաններին միանում են նաև այլ իշխաններ, որոնք «ժողովեալ համարակարին զամենայն իշխանս եւ զզաւրս Հայոց, որ ի պարսից կողմանէ ողորաւ եւ եւս քաղցր բանիւք յորդորեալ զամենեանսն միաբանեաց, արար գունդս դունդս: Եթող անդրէն յաշխարհին սակաւութ՝ եւ դնաց. «մինչեւ ես ծանուցից՝ ասէ, վասն ձեր, եւ հասցէ անտի

¹ Նույն տեղում, էջ 80, 82—83 և այլն:

² Նույն տեղում, էջ 78, 80, 82:

- Նույն տեղում, էջ 80:

հրաման դադարել անդ»։ Զի զմտաւ իսկ ածեալ է նորա եւ զայլոց դալն առ նոսա, եւ զբազմանալն»։

Ահա այդ իշխաններն (և նոր եկող, նրանց միացող իշխաններն) մասին է, որ Սեբեոսը պատմում է 11-րդ դիւսում։ Նա այստեղ, այս անգամ ավելի մանրամասն է խոսում այդ իշխանների մասին — «Իսկ որ ի պարսից կողմանէ էին նախարարքն և զաւրք, զորմէ վերագոյն ասացի՝ եթէ եթող համարակարն եւ զնաց. թե մինչեւ հասցէ հրամանն արքունի»։¹ Նա հայտնում է այդ իշխանների անունները — «Յայնժամ եկին հասին պէշասպիք հրովարտակաւք կոչել զնոսա միաբանութեամբ ի դուռն արքունի։ Եւ այսոքիկ են նախարարք եւ զաւրք՝ որ գնացին միաբանութեամբ հանդերձ իւրաքանչիւր զնդովք եւ սրա դրաւշու ի դուռն թագաւորին պարսից խոսրովու՝ յամի վեցերորդի թագաւորութեան նորա։ Առաջին՝ Գագիկ Մամիկոնեան որդի Մանուելի։ Երկրորդն՝ Պապ Բադրատունի որդի Աշոտայ ասպետի։ Երրորդն՝ խոսրով վահեւտենաց տէր։ Զորրորդն՝ Վարդան Արծրունի։ Հինգերորդն՝ Սամակ Մամիկոնեան։ Վեցերորդն՝ Ստեփաննոս Սիւնի։ Եւթներորդն՝ Կոտիտ Ամատունեաց տէր։ Եւ այլք ընդ նոսա ի նախարարաց։ Եւ հասեալ նոցա յԱսորեստան ի տեղի արքունական տանն եւ յանդիման եղեն թագաւորին։ Իսկ նա խնդութեամբ ընկալաւ զնոսա, եւ երեւելի շքեղութեամբ մեծացոյց պատուովք. եւ զմեծամեծ իշխանսն հրամայէ պահել ի դրանն արքունի, կարգել նոցա ռոճիկս յարքունուստ տալ ի տունս իւրաքանչիւր, եւ կոչել յամենայն աւուր յընթրիս արքունի։ Եւ զաւրաց նոցա հրաման տայր նստիլ ի Սպահան աշխարհի, եւ դարմանել զնոսա սիրով եւ ամենայն կամակարութեամբ»։² Ուրեմն, այս հայ իշխանները պարսից պալատ են զնում խոսրով երկրորդի թագավորության 6-րդ տարին, այսինքն՝ 596—97 թվին, նշանակում է, այդ տարում էլ եղել է հայ իշխանների ապստամբությունն ընդդէմ Բյուզանդիայի։

Խոսրով 2-րդը հայոց «մեծամեծ իշխաններին» պահելով արքունիքում, իսկ նրանց զորքը՝ Սպահանում, հրամայում է հոգ տանել այդ զորքի մասին և բավարարել նրանց պահանջները։ Նա այդ կատարում էր որոշ նպատակով։ Այդ նպատակը հայտնի է դառնում Սեբեոսի Պատմության 12-րդ գլխում, որտեղ նա խոսում է խոսրով 2-րդի կռիվների մասին Վնդոյի և Վստամի դեմ։ Այդ կռիվները կատարվել են 597—600 թվերին. կռիվներին մասնակցել են նաև այդ հայ իշխաններն ու նրանց զորքը — «Եւ յայնմ պատերազմի ոչ փոքր ինչ քաջութիւն քործեալ հայակոյտ զաւրացն. զոր տեսեալ թագաւորն առաւել զարմանայր»։³ Խոսրով 2-րդը առանց լուրջ արդյունքի հասնելու Վրստամի դեմ վարած պատերազմում, վերադառնում է Ասորեստան. նրա հետ վերադառնում են նաև հայ իշխանները — «Եւ թագաւորին չու արարեալ յԱսորեաւտան՝ հասանէր ի բուն կայանս իւրոյ արքունականս, եւ իշխանք նախարարացն Հայոց ընդ նմա»։

13-րդ գլխում Սեբեոսը պատմում է Պապ Բադրատունու հետ պարսից պալատում գտնվող հայ իշխանների մահը։ Նա հայտնում է, որ Դագիկ Մա-

¹ Սեբեոս, էջ 78—79.

² Նույն տեղում, էջ 89.

³ Նույն տեղում, էջ 89—90.

⁴ Այս հատվածից կարելի է հետևել (թեև ուղղակի ցուցում չկա), որ Մանվելի որդի Սմբատ Բադրատունին Աֆրիկա աքսորվել է մոտավորապես նույն տարիներին.

⁵ Սեբեոս, էջ 91.

⁶ Նույն տեղում, էջ 92.

միկոնյանը և խոսքով Վահանունին մահացան իրենց մահով՝ պարսից պալատում: Մահան Մամիկոնյանը, որ գալիս է Հայաստան զորք տանելու, մահանում է Դվինում, Ստեփանոս Սյունին՝ Սյունյաց տանուտերությունը գրավելու համար, սկսում է ընդհարվել իր հորեղբայր Սահակի հետ: Սահակը և մյուս հայ իշխանները բողոքում են խոսքով 2-րդին՝ Ստեփանոս Սյունիի դեմ: խոսքով 2-րդը հրամայում է կապուտել Ստեփանոս Սյունուն, դնել քանտ և հետո՝ գլխատել: Իսկ Կոտիտ Ամատունին սպանվում է ճանապարհին: Այս իշխանների զորքը, որ գտնվում էր Սպահանում, ապստամբում և գնում է Գիլան, այնտեղից անցնում Պարթևաց կողմերը՝ Վստամին միանալու համար: Իսկ թի ի՞նչ եղավ Պապ Բագրատունին, Սեբեոսը ոչինչ չի ասում: Նա խոսելով բոլոր հայ իշխանների մասին և կրկին անգամ հիշելով նրանց, լռության է մատնում Պապ Բագրատունուն: Լինելով Բագրատունյաց եպիսկոպոս, Սեբեոսը հազիվ թե մոռանար կամ անտեսեր պարսից պալատում հանդես եկած մեծամեծ իշխանների՝ մեջ թվով երկրորդը հիշատակվող Պապ Բագրատունուն: Սակայն սա իր Պատմության հաջորդ 14-րդ գլխում Պապ Բագրատունու փոխարեն, խոսում է Սմբատ Բագրատունու մասին, որին խոսքով 2-րդը մեծարում է, առատ պարգևատրում և նշանակում է Վրկանի մարզպան:՝

Որպեսզի Սմբատ Բագրատունին արժանանար այդ բարձր պաշտոնին, նվերներին ու պատվին, նա պետք է, անշուշտ նախօրոք ցուցաբերած լիներ հավատարմություն և նվիրվածություն պարսից արքային: Նրա այդ հավատարմությունը հավանորեն, հանդես պիտի դար խոսքովի ծանր օրերին, և առաջին հերթին՝ Վնդոյի և Վստամի դեմ մղած կռիվներում, որին մասնակցում էին վերևում հիշատակված հայ իշխաններն իրենց զորքով: Մինչդեռ, ինչպես տեսանք, պատմագիրն այդ կապակցությամբ հիշված հայ իշխանների մեջ հիշատակում է ոչ թե Սմբատ, այլ՝ Պապ Բագրատունի անունը:

Խոսքով 2-րդը այդ պատերազմներում ռեալ արդյունքի չի հասնում: Դեռ ավելին, Վստամն ամրանալով Գիլանում և Պարթևաց կողմերում, սկսում է իր համար նոր զորք հավաքել: Խոսքով 2-րդը Ասորեստան վերադառնալիս զորքի մի մասը թողնում է Վստամի դեմ գործելու Հավանորեն, Պապ Բագրատունին ևս խոսքով 2-րդի այլ զորքերի հետ մնում է այդ կողմերում Վստամի և նրան միացող ապստամբների դեմ կռվելու համար: Թերևս այդ պատճառով էլ Սեբեոսը, հիշատակելով բոլոր հայ իշխանների մահը, այլևս չի խոսում Պապ Բագրատունու մասին և հաջորդ 14-րդ գլխում սկսում է պատմել Վրկանի Մարզպանի մասին, որ ճնշում է Ամաղ, Ռոյեանի, Զրեճանի, Տարարստանի ապստամբությունները, իսկ այս ապստամբությունները կապված էին իհարկե Վնդոյի և Վստամի գործունեության հետ:

Արդ՝ ի՞նչ հիմք կա կարծելու, թե այդ Պապ Բագրատունին պետք է լինի հենց ինքը՝ Վրկանի մարզպան Սմբատ Բագրատունին:

Նախ, ինչպես վերևում ասվեց, այն հայ իշխանները, որ Պապ Բագրատունու հետ միասին գտնվում էին պարսից պալատում, սպանվում կամ մահանում են: Իսկ Ստեփանոս Սյունիի և Կոտիտ Ամատունու զորքերն ապստամբում և գնում են Վստամին միանալու: Այդ զորքերն ապստամբել էին իրենց իշխանների սպանության կապակցությամբ: Ապստամբությունն ուղղված էր խոսքով 2-րդի և այն իշխանի դեմ, որը հավատարմությամբ ծառայում էր

¹ Նույն տեղում, էջ 92—93:

² Նույն տեղում, էջ 94—95:

նրան և նրա կողմից նշանակվելու էր իշխաններից զրկված այդ զորքերի ղեկավար։ Այդ իշխանը, բնական է, որ լինելու էր Պապ Բագրատունին, որն իր զորքով նույն իշխանների հետ եկել էր պարսից պալատ և պատերազմ էր մղում ընդդեմ Վստամի, հավատարիմ մնալով հոսորովին։

Պապ Բագրատունին հայոց այն «մեծամեծ իշխաններից» էր, որոնց համար հոսորով 2-րդը հրամայում է — «պահել ի դրանն արքունի, կարգել նոցա ոռճիկս յարքունուստ տալ ի տունս իւրաքանչիւր, եւ կոչել յամենայն աւուր յընթրիս արքունի»։ Սակայն հետևյալ, 15-րդ գլխում, երբ Սերեոսը պատմում է Վստամի ապստամբության մասին, հայտնում է, որ Ստեփանոս Սյունիի և Կոտիտ Ամատունու զորքերի ապստամբությունը (որոնք գնացել էին Վստամին միանալու) եղել է ընդդեմ Սմբատի — «Եւ արքն այնք հայաստանեայք՝ որ ապստամբեալ էին ի Սմբատայ և գնացեալք առ Վստամ»¹։ Սերեոսի այս վկայությունը ռեալ հիմք է տալիս կարծելու, որ վերը հիշված Պապը և աւստեղ հիշված Սմբատը նույն անձնավորությունն են. որը Վրկանի մարզպան Սմբատ Բագրատունին է։

Սմբատ Բագրատունին Վրկանի մարզպան է մնում ութը տարի և վերադառնում է Հայաստան հոսորով 2-րդի թագավորության 18-րդ տարում։

Հոսորով 2-րդի թագավորության 18-րդ տարին անում է 608—9 թ.-ը։ Հետևապես, Սմբատ Բագրատունին Վրկանի մարզպան է եղել 601—608—9 թվերին։ Որպեսզի Սմբատ Բագրատունին արժանանար վստահության և բարձր պաշտոնի, նա առնվազն մի քանի տարի պետք է հավատարմությամբ ծառայած լիներ հոսորով 2-րդին։ Նա կարող էր այդ հավատարմությունը ցուցաբերել հենց 597—601 թ. թ. ընկած ժամանակամիջոցին, Վստամի դեմ եղած կռիվներում, որտեղ նա մի շարք հաղթանակներ տանելով արժանացել է ուշադրության և հենց այդ ռազմական գործողությունների կողմերումն էլ նշանակվել մարզպան։

Մի այլ հանգամանք ևս կարող է կռվան ծառայել Պապի և Սմբատի միևնույն անձն լինելու հավանականությանը։

Պապ Բագրատունու հետ պարսից պալատումն էր գտնվում, ինչպես ասվեց, Ստեփանոս Սյունին, որը հետո սկսում է պայքարել իր հորեղբայր Սահակի դեմ՝ Սյունյաց իշխանության համար։ Այդ նշանակում է՝ Սյունյաց Ստեփանոս, Սահակ իշխանները ժամանակակից էին Պապ Բագրատունուն և գործում էին նրա հետ միասին։ Հայտնի է նաև, որ Ստեփանոսը հոսորով 2-րդի հրամանով բանտարկվում և սպանվում է։ Իսկ թե Սյունյաց Սահակ իշխանն ինչ է լինում, Սերեոսն այդ մասին չի խոսում։ Սյունյաց Սահակ իշխանի մասին հայտնում է Ստեփանոս Օրբելյանը։ Վերջինս խոսելով Սյունյաց իշխանների մասին, և այդ իշխաններին հականե անվանե հիշելով Բաբիկից սկսած, այսինքն Շապուհ 2-րդի թագավորության 68-րդ տարում (367 թ.) մինչև այդ Սահակ իշխանի հանգես գալը, ցույց է տալիս 232 տարի, և ասում է, որ Սահակը Սյունիքում իշխել է 10 տարի. այսինքն, այդ անում է 599—609 թ. թ.։

¹ Նույն տեղում, էջ 97։ Այն հայերը, որոնք ապստամբել էին Սմբատի դեմ (Կոտիտ Ամատունու և Ստ. Սյունիի զորքերը), հետագայում, երբ Սմբատը պատերազմ է մղում Տապարստանում և հաղթում թշնամիներին. Սմբատից ներուժն են խնդրում — «իսկ այնք, որ էին բնդ նոսա (այսինքն ապստամբ հայերը, անս Սերեոս — էջ 98, 97) խնդրեցին երդուժն և պայման եւ եկին կացին առաջի Սմբատայ, եւ իջուհին (էջ 98—99) այն ընդ նոսա»։ էջ 100։

² Սերեոս, էջ 101։

³ Ստ. Օրբելյան — «Պատմութիւն նահանգին Սիսական», Թիֆլիս, 1912 թ., էջ 52։

Ստ. Օրբելյանը այդ նույն Սահակ իշխանին դարձյալ հիշում է Դվինում Սմբատ Խոսրով-Շումի կողմից գումարված կաթողիկոսական ժողովի կապակցությամբ, որտեղ կաթողիկոս է ձեռնադրվում Արրահամ Ռշտունին¹։ Այս նշանակում է Պապ Բագրատունու հետ հանդես եկող և գործող ժամանակակից իշխանները ժամանակակից են և գործում են նույն Վրկանի մարզպանի հետ։ Այս փաստը ևս հավանական է դարձնում այն, որ Վրկանի մարզպան Սրմբատ Խոսրով-Շումը 596—7 թվերին պարսից պալատում հանդես եկած, և մեծամեծների շարքում հիշատակված (որոնց Խոսրով 2-րդը հրավիրում էր «Յամենայն աուր յընթրիս արքունի») Պապ Բագրատունին է, այսինքն, Աշոտ Ասպետի որդին։ Իսկ ի՞նչպես կարող էր նույն իշխանը մի դեպքում կոչվել Պապ, մյուս դեպքում՝ Սմբատ։

Նախ պետք է ասել, որ Բագրատունիների մոտ ընդունված, սիրելի և գործածական էին Սմբատ, Բագարատ, Աշոտ, Սահակ անունները։ Այս անունների մեջ նրանք ամենից շատ գործածում էին Սմբատ անունը։ Երբեմն, այնպես էր պատահում, որ Սմբատ էր կոչվում թե հայրը և թե որդին, օրինակ՝ Սմբատ Խոսրով-Շումի որդին նույնպես կոչվում էր Սմբատ²։ Հովհ. կաթողիկոսը, 8-րդ դարի սկզբի մասին խոսելիս նույնպես հիշում է «Սմբատ որդի Սմբատայ» — «Զկնի սորա (Գր. Մամիկոնյան) պայազատէ զիշխանութիւնս հայոց Սմբատ Բագրատունի՝ որդի Սմբատայ» — «Ընդ նմին եւ զիշխանն հայոց զՍմբատ որդի Սմբատայ»³։

Երբեմն էլ նույն իշխանը (կամ թագավորը) այլ անուն ունենալով հանդերձ, իշխանություն, պետական բարձր աստիճանի հասնելով, կարող էր կոչվել իր հոր, կամ իշխանական տոհմի, տան հիմնադրի անունով և պատմության մեջ հայտնի դառնալ այդ վերջին անունով։ Այսպես, օրինակ, Գագիկ առաջինի անդրանիկ որդու անունը Հովհաննես էր, բայց նա հայտնի է իբրև Սմբատ (Սմբատ 3-րդ), — «Եւ պայազատեն զիշխանութիւնն որդիք նորա (Գագիկ առաջինի) Սմբատ՝ զոր Յովհաննէս կոչէին, եւ Աշոտ նորին հարազատն»⁴, — «Եւ տայ բաժին երկանուանն Սմբատայ՝ զամուրն Անի եւ որ շուրջ զնովաւ գաւառք, վասն անդրանկութեան»⁵։

Ինչպես պարզվում է Վարդանի մեկ ակնարկից, Սմբատ առաջինը նույնպես երկու անուն է ունեցել։ Վարդանը նրան սկզբում հիշում է Պապ անունով, իսկ հետո՝ Սմբատ անունով — «այլ Աշոտ արքայ ղնէ իշխան վրաց զքեռորդի և ինքն կատարի ի քրիստոս եօթանասուն եւ մի ամաց։ Եւ առնու զթագ նորա Պապ՝ որդի նորա, յերեք հարիւր քառասուն եւ չորս թուականին ամս քսան եւ չորս կամակցութեամբ լեւոնի՝ որդւոյ Վասիլին... Իսկ Սմբատ առեալ զպատիժըն՝ շինէ զսուրբ Փրկիչն յԵրազգաւորն, իր է Շիրիկաւան՝ որ օծաւն իսկ»⁶։ Գագիկ առաջինը նույնպես ունեցել է երկու անուն՝ Գագիկ և Աշոտ։

¹ Նույն տեղում, էջ 100—101։

² Սեբեոս, էջ 221։

³ Յովհ. կաթ. «Գաամ. Հայոց», Թիֆլիս, 1912 թ., էջ 93։

⁴ Նույն տեղում, էջ 94։

⁵ Ասողիկ, «Գատմութիւն», Ս. Գևորգիւ, 1885 թ., էջ 278։

⁶ Արիստակես Հաստիվերացի, «Գատմութիւն», Թիֆլիս, 1912 թ., էջ 9։

Նույն տեղում։

⁷ Վարդան, «Գատմութիւն տիեզերական», Մոսկովա, 1861 թ., էջ 117։

⁸ Հ. Աճառյան, «Հայոց անձնանունների բառարան», հատոր 1, էջ 190, թիվ 55, «Աշոտ կոչվում է նաեւ Դագիկ Ա. թագավորը, որ գահակալել է 990—1020 թ. տես «Շիրակ» 134 (Արձ.), տես նույնը էջ 433, թիվ 21, Գագիկ Ա. թագավորը կոչվում է իրեն Աշոտ (Արձ. Շիրակ, 133—134)։

Սմբատ 3-րդի (Հովհաննես), Սմբատ առաջինի (Պապ), Գագիկ առաջինի (Աշոտ) երկու անուն ունենալը հիմք է տալիս կարծելու, որ Վրկանի Մարզպան Սմբատ Խոսրով-Շումր նույնպես կարող էր երկու անուն ունենալ — Սեբեոսի կողմից մեկ անգամ հիշատակվելով Պապ անունով, իսկ այնուհետև՝ Սմբատ անունով:

Առհասարակ պետք է նկատել, որ տվյալ տոհմում կամ իշխանական տանն ընդունված և սիրելի անունը գործածվում էր սերնդից-սերունդ, անցնում էր հորից որդուն:

Նույն երևույթը կարելի է նկատել հայ Բագրատունիների մոտ, որոնք իշխանության գլուխ կանգնելով սկսում են կոչվել իրենց տոհմում ընդունված և սիրված անունով՝ Սմբատ: Այստեղից էլ հասկանալի է դառնում, թե ինչու Գագիկ առաջինի անդրանիկ որդին (Հովհաննես) կոչվում է Սմբատ (Սմբատ 3-րդ), Աշոտ առաջինի որդին կոչվում է Սմբատ (Սմբատ առաջին), ինչպես և հնարավոր է լինում հասկանալ Հովհ. կաթ.-ի և Սեբեոսի վկայությունները — «Սմբատ որդի Սմբատայ», և այլն: Այստեղից էլ կարելի է անել հաստատ հետևություն, որ Սեբեոսի մոտ հիշատակվող Պապ Բագրատունին նույնպես ունեցել է երկու անուն (Պապ և Սմբատ) և երբ նա հասնում է պետական, ռազմական բարձր աստիճանի, սկսում է հայտնի դառնալ Սմբատ անունով: Տոհմի (տան) մեծության պատճառով նույն ժամանակամիջոցում կարող էին գոյություն ունենալ Բագրատունի տասնյակից ավելի իշխաններ (հորեղբոր որդիներ, թոռներ, ազգականներ և այլն), որոնցից մեկ երկուսն էլ կարող էին անմիջականորեն կրել Սմբատ անունը կամ մեծ իշխան դառնալով ստանալ այն (ինչպես տվյալ դեպքում՝ Մանվելի որդի Սմբատը), բայց այդ Սմբատ անունը դառնում էր հատուկ անուն տոհմի մեջ այն իշխանի համար, որը սկսում էր գերիշխանության հասնել ոչ միայն իր տոհմի ներսում, այլև՝ երկրում: Ծիշտ այդպես, կարելի է ասել նույն տոհմի նկատմամբ՝ ասպետ կոչման կապակցությամբ: Հայտնի է, որ Բագրատունի իշխանները կոչվում էին ասպետ: Բայց ասպետ կոչվում էին ոչ բոլոր Բագրատունիները, այլ նա, որը հասնում էր պետական և ռազմական բարձր պաշտոնի և իր տոհմի նկատմամբ բռնում գերիշխող, հրամայող դիրք: Այս կապակցությամբ պետք է ասել, որ Բագրատունի տոհմի մեջ ասպետն ուներ այնպիսի դիրք և ազդեցություն, ինչպես Սյունիքում, կամ մյուս իշխանական տներում ուներ տանուտերը, նահապետը և այլն: Հայտնի է, որ բոլորը չէին կարող լինել տանուտեր: Եվ տանուտիրության պատիվը նվաճելու համար երբեմն նույն տոհմի մեջ առաջանում էին արյունահեղ ընդհարումներ և դավադրություններ (օր., Սյունիքում Վասակի և իր հորեղբոր միջև, Ստեփանոսի և Սահակի միջև և այլն): Ինչպես տանուտերը հանդիսանում էր տվյալ տերիտորիայի, տոհմի բարձրագույն տերը, որին ենթակա էին տոհմի մյուս անդամները, նույնպես և Բագրատունիների մոտ՝ բարձրագույնն ասպետն էր, որին ենթակա էին Բագրատունի տոհմի մյուս անդամները: Երբ Բագրատունիներից մեկը (կամ նրա որդին) հասնում էր ասպետության պատվին, այն ժամանակ նա կարող էր կրել իր տոհմի մեջ գործածվող և սիրելի անունն ու դրանով հայտնի դառնալ պատմության մեջ: Երբեմն էլ, տվյալ Բագրատունի իշխանը պատմության մեջ սկսում է մնալ ոչ թե իր անունով, այլ՝ ուղղակի Ասպետ տիտղոսով (չնայած որ նա ունեցել է իր սեփական անունը), օրինակ՝ Փավստոսի վկայությամբ Մանվել Մամիկոնյանը Պապ Թադավորի անշափահաս որդուն՝ Վաղարշակին

ամուսնացնում է զգուստր ասպետին Բագրատունւոյ ի Սպէր գաւառէն¹ Ինչպէս նկատելի է, այստեղ Բագրատունի իշխանի իսկական անունը չի հիշատակուում։ Որովհետեւ այդ ասպետ կոչումը տվյալ անձի համար դառնում է հատուկ անվան համազոր։ Դեռ ավելին, ասպետ անունով սկսում է կոչվել ամբողջ Բագրատունի տոհմը — Ասպետ, Ասպետունի (Բագրատունիի փոխարեն) և Ագոնցր ցույց է տալիս, որ նույն ձևով սկզբնական տոհմային տերմին — Մամակ-ը հետագայում դառնում է հատուկ անուն ինչպես՝ Մամակ, իմամիկ, Մամիկոն-եան² (ինչպէս ասպետ-ասպետունի) և այլն։ Մարկվարտը խոսելով 4-րդ—5-րդ դարերի Բագրատունիների մասին, ասում է — «քանի որ Բագրատունով ցեղին անունն է որ կը կրկնուի միշտ, անձուկ առմամբ այս բոլոր իշխաններն ալ անանում են»։

Մարկվարտը նկատում է, որ 4-րդ և 5-րդ դարերում Բագրատունի իշխանները իշատակվում են գերադանցապէս Բաղարատ և Ասպետ անուններով։ Նա նկատում է նաև, որ այդ Բագրատը՝ Բագրատունյաց տոհմի հիմնադիրն է եղել, ուստի և, նրա, այդ հիմնադրի անունով՝ այն ժամանակ սկսում են կոչվել Բագրատունի իշխանները։ Բայց ահա հրապարակ է գալիս Բագրատունի իշխանի պատվերով դրած Մովսէս Խորենացու Պատմութիւնը։ ԻՄ. Խորենացին, որ Բագրատունյաց տոհմի փառաբանող պատմագիրն է, այդ տոհմի հիմնադիր, կամ նախահայր համարում է Սմբատին։ Կասկածից դուրս է, որ Խորենացու Պատմութիւնն ազդել է Բագրատունիների վրա և նրանք իրենց ձեռքի տակ ունենալով Խորենացու Պատմութիւնը, իրենց նախահոր անունը ըստ Խորենացու ճանաչելով Սմբատ, սկսել են ալ անունով կոչել իրենց տոհմի բարձրագույն իշխանին (ինչպէս պարթևների կոչվում էին Արշակ)։ Այստեղից էլ հասկանալի է դառնում թե ինչու 6-րդ դարից սկսած ավելի քան դորժածական է դառնում Սմբատ անունը,³ որն անցնում է հորից որդի։

Պատմագիրների մոտ պահպանված Մանվել, Պապ, Հովհաննէս, Վասակ, Մուշեղ և այլն անունները ցույց են տալիս, որ իրոք Բագրատունիները կրել են այդ անունները, բայց որոշ դիրքի և դրության հասնելուց հետո նրանք պատմության մեջ սկսել են հիշատակվել կամ իրենց կրած հատուկ տիտղոս-

¹ Փատմութիւն իշխանի. «Պատմութիւն հայոց» Ե, գլ. ԽԴ։

² Ն. Աղունց, «Армения в эпоху Юстиниана», էջ 249, 257, 283, 417, Ն. Աղունցը քննելով ասպետ և սեպուհ տերմինները, և ցույց տալով, որ սեպուհ նշանակում է առնի որդի (խնդ ասպետ՝ առնմապետ), ցույց է տալիս, որ և, որ Ասպետական տներն առաջացել է սեպուհ բառից (էջ 401)։ Հետաքրքրական է նկատել, որ Աշոտ 2-րդը (Աշոտ Սրկաթ, երբ սկսում է կոչվել Շահնշահ (որն հետագայում սկսում են կրել Բագրատունի թագավորները), նրա այս տիտղոսը սկսում է համարվել դառնալ իր Աշոտ անվանը. ուստի պատմագիրը՝ Հովհ. կաթ-ը երբեմն նրան հիշում է ոչ թե Աշոտ անունով այլ՝ Շահնշահ — «Վաղվազտկի ապա պանակթն պատգուցին Շահնշահին» (էջ 317) — «Ի՞նչ ալ իր ցեղից և, գործելոց իրաց՝ դարձեալ անախ Շահնշահ կոչեցեալ պաշտաւն յՍուրբ գաւառ» (նույն տեղում, էջ 318, նաև 334, 336 և այլն)։ Իսկ Զարարյանների ժամանակ այս Շահնշահը դառնում է անձնանուն որով պատմության մեջ հայտնի է Զարարի որդին՝ Շահնշահը (Կիրակոս Դանաշկեցի, Խիֆլիս, 1909 թ. էջ 62, 239, 240 և այլն)։

Н. Адонц, «Армения в эпоху Юстиниана», СПб., 1909 г., стр. 402.

³ Մարկվարտ, «Երակած Բագրատունյաց ծագումը» Վանդէս ամսագրէ 1912 թ. էջ 333.

Ն. Աղունցը քննելով Ասպետ, սեպուհ, Վասակ, զոսեմ (զսեամ ձեից) տերմինները փորձում է բացատրել նաև Սմբատ (Սմ պաա) անունը։ «Если допустить существование viduapap, то к нему можно возвести излюбленное у ассирийцев имя *Սմ պաա* или *Isenpapa*»։ Տե՛ս «Армения в эпоху Юстиниана», стр. 402, прим. 1.

սով (Ասպետ), կամ նախահոր անունով (Սմբատ — բատ ետրենացու), և հայտնի են դարձել իբրև երկու անուն ունեցողներ։ Իսկ երբ պատահում էր, որ տվյալ իշխանը կրում էր նույն տոհմում ընդունված և գործածվող Սահակ, Աշոտ, Բագարատ (Բագրատ) անունը և հասնում էր բարձր դիրքի, նա այդ անունով էլ մնում էր պատմության մեջ։ Առհասարակ պետք է նկատել, որ Բագրատունիները անունների գործածության մեջ հանդես են բերել բժախնդրության։ Սերեոսը, որ Բագրատունյաց եպիսկոպոսն էր և նույն տոհմի պատմագիրը, նույնքան բժախնդիր պետք է լիներ Բագրատունի անունների գործածման մեջ և նրա կողմից այդքան սիրված ու փառաբանված անձը՝ Վրկանի մարզպանը չէր կարող նրա կողմից մինչև վերջ կոչվել Բագրատունի տան ոչ հատուկ՝ Պապ անունով։ Պապ անվան կապակցությամբ կարելի է ասել հետևյալը — «Պապ» բառը, որ փոխառյալ է պլհ. բառ ձևից,¹ նշանակում է «մեծ հայր» — որը քարոզ «հայրիկ» ձևով գործածվում է իբրև հատուկ անուն։

Պապ անունը հայ թագավորական և իշխանական տներում համեմատած մյուս անունների հետ, ավելի քիչ է գործածվել։ Պապ անունը կրել են Արշակունի թագավորներից՝ Արշակ 2-րդի որդին (Պապ թագավորը, Գրիգոր Լուսավորչի սերնդից՝ Հուսիկի որդին (Ներսես Մեծի հորեղբայրը)։ Աղվանքում Պապ անունը մի անգամ հիշում է Մ. Կաղանկատվացին «Պապ ի Հրահատեան»,² Ղ. Փարպեցին հիշում է Պապ Արտակունի — «Առաքելը Պապ Արտակունեաց, զայր ոստանիկ, որդի Բարոցի»։³ Քանի որ քառ ունի «մեծ հայր» — Պապ իմաստը,⁴ ուստի և այդ անունը կրող իշխանի տոհմի եպիսկոպոսը (Սերեոսը) կարող էր հետագայում «մկրտել» և հիշել տոհմի նախահոր, կամ նրա մեծ հոր (Պապի) անունով՝ Սմբատ — «զոր յաճախ Բագրատունիք ի վերայ պատանեաց կոչեն»։

* *

Վերևում հիշատակված և քննության առնված փաստերն ու դեպքերը համոզում են, որ Վրկանի մարզպան Սմբատը և Պապ Բագրատունին նույն անձն են, ուստի և կարելի է ասել, որ Վրկանի մարզպան Սմբատը՝ Աշոտ ասպետի որդին է։ Ակադ. Հ. Աճառյանն իր «Հայոց անձնանունների բառարանի» առաջին հատորում 6-րդ դարի համար հիշատակում է — «Աշոտ իշխան, որդի Սմբատի, տեր Բաղրեվանդի և Արշարունյաց... (շուրջ 550)»։⁵

«Աշոտ ի Վարազտիրոցեան իշխան անգամ Դուինի Բ ժողովի 554 թ.»։

«Աշոտ Բագրատունի իշխան, որ շինեց այգի անունով մի հյուրանոց և իմիրեց Գտկոյ վանքին (574 թ. -ից հետո)»։⁶ Ակինյանը Պապ Բագրատունու

¹ Հ. Աճառյան, «Հայերեն արմատական բառարան», հատոր Ե, էջ 842.

² Մ. Կաղանկատվացի, «Պատմութիւն Աղուանից աշխարհի» Թիֆլիս, 1913 թ., էջ 348.

³ Ղ. Փարպեցի, «Պատմութիւն հայոց», Թիֆլիս, 1913 թ., էջ 284—285.

⁴ Առհասարակ «հայր» է նկատել, որ ժողովրդի մեծ միջին որս էլ պահպանված է և նկատվում է մի սովորույթ, երբ տվյալ տան մեջ որեէ մեկը (հայրը, որդին և այլն) կրում է իր մեծ հոր (պապի) անունը, նրան սովորաբար կոչում են Պապ։ Թերևս այս ձևով են առաջացել հետագայում այնքան շատ տարածված Պապ, Պապիկ (Պապյան, Պապիկյան), Հայրիկ անունները։

⁵ Մ. Խորենացի, «Պատմութիւն հայոց» Թիֆլիս, 1913 թ., էջ 69.


⁶ Հ. Աճառյան, «Հայոց անձնանունների բառարան», հատոր Ա, էջ 180.

⁷ անուն անունով.


⁸ նույն տեղում.

հայր համարում է 554 թ.-ին Դվինի ժողովին մասնակցող «ի Վարազտիրոցեան» Ա(ր)շտտինը¹


Իսկ Վրկանի մարզպան Սմբատ Խոսրով-Շումին համարելով Պապի որդին, կազմել է Բագրատունիների ճյուղազրույթունը, որն ունի հետևյալ պատկերը.²



Վարազտիրոց Գ ասպետ Վարադասակ Բ
և այլն: Իսկ Մարկվարտը, որ Բագրատունյաց բուն ճյուղազրույթունը սկսում է 6-րդ դարի վերջից, Վրկանի մարզպան Սմբատ Բագրատունիին համարելով Մանվելի որդին,³ մի կողմ (առանձին) դասավորելով Աշոտ ասպետի և նրա որդի Պապին, տալիս է հետևյալ ճյուղազրական տախտակը.⁴



Վարազտիրոց Ա, Զավիտեան Խոսրով Վարադ Սահակ
Բայց քանի որ վերևում քննության առնված փաստերը ցույց են տալիս, որ Վրկանի մարզպան Սմբատ Բագրատունին նույն Պապ Բագրատունին է, հետևապես՝ Աշոտ ասպետի որդին է (իսկ Աշոտ ասպետը հավանաբար 550 թ. թ. հիշվող Սմբատի որդին է), ուստի Բագրատունիների ճյուղազրական տախտակը տվյալ դեպքում կստանա հետևյալ պատկերը.



¹ «Հանդէս Ամսօրեայ», 1930 թ., էջ 639: Ըստ Ալիշանի, Աշոտ Ասպետն ապրել է մինչև 592 թ.-ը (տես «Եփրակ» Բագրատ. առնամատր):

² Ն. Ակինյանի ճյուղազրական տախտակից (տոհմածառից) վերցված է այն հատվածը, որը վերաբերում է քննվող նյութին:

³ Ն. Աղոնցը Սեբեոսի մոտ հիշատակվող նախարարական անունները քննելիս հիշատակվող Սմբատ որդի Սանվելի, Պապ որդի Աշոտայ ասպետի, Սմբատ մարզպան Վրկանայ—դիտում է իրեն առանձին իշխանների անուններ (տես «Армения в эпоху Юстиниана», էջ 248), այսինքն Աղոնցը նույնպես ընդունում է, որ Մանվելի որդի Սմբատը և Վրկանի մարզպան Սմբատը տարբեր անձնավորություններ են:

⁴ «Հանդէս Ամսօրեայ», 1912 թ., էջ 335—336:

*

Այսպիսով, համաձայն լինելով Ք. Պատկանյանի, Ստ. Մալխասյանի հետ, որ 6-րդ դարի վերջում և 7-րդ դարի սկզբում գործում էին երկու Սմբատ Բագրատունիներ, որոնցից մեկը՝ Մանվելի որդին բյուզանդական կայսրի կողմից աքսորվում է Աֆրիկա, իսկ մյուսը՝ պարսից պալատում հասնում է բարձր պաշտոնների ու շնորհների, և գտնելով, որ վերջինս Պապ Բագրատունին է, այսինքն՝ Աշոտ ասպետի որդին, պետք է անջատել վերջինիս անձի հետ կապված պատմությունը Մանվելի որդու պատմությունից ու տալ նրա համառոտ ամփոփ պատմությունը:

Վրկանի մարզպան Սմբատ (Պապ) Բագրատունին 596—97 թվին մյուս հայ իշխանների հետ (տես վերևում) ներկայանում է խոսրով 2-րդի պալատը: Նա (ինչպես և մյուս իշխանները) մեծարվում է խոսրով 2-րդի կողմից: Հայ իշխանները խոսրով 2-րդի հետ միասին իրենց զորքով սկսում են պատերազմներ մղել Վնդոյի և Վստամի դեմ: Այդ կռիվները լինում են 597—601 թվերին: Հայ իշխաններից մի քանիսը մեռնում են իրենց բնական մահով, իսկ Ստ. Սյունին և Կոտիտ Ամատունին սպանվում են պարսիկների ձեռքով:

Այս բոլոր իշխանների զորքերը, որ գտնվում էին Սպահանում, հանձնվում են Սմբատ (Պապ) Բագրատունուն: Կոտիտ Ամատունու և Ստեփանոս Սյունիի զորքերն ապստամբելով Սմբատի ու պարսիկների դեմ, գնում են միանալու Գիլանում և Պարթևաց կողմերում գործող Վստամին: Սմբատ Բագրատունին հավատարմությամբ ծառայելով խոսրով 2-րդին, պատերազմներ մղելով նրա թշնամիների դեմ (Վնդոյի և Վստամի) արժանանում է բարձր պարգևների և պատիվների, և 601 թվին նշանակվում է Վրկանի մարզպան— «Եւ եղեւ ի ժամանակին յայնմիկ հաճոյանալ Սմբատայ Բագրատունւոյ յաշս խոսրովու արքային. տայ ի նա զմարզպանութիւն երկրին Վրկանայ, առնէ զնա իշխան եւ ի վերայ ամենայն կողմանն այնորիկ, առաւել մեծացուցանէ պատուովք եւ իշխանութեամբ. լնու զնա ոսկով եւ արծաթով, զարդարէ ի հանդերձս պատուականս եւ յերեւելիս: Տայ նմա զկամարն եւ զսուսերն լեալ հաւր իւրոյ Որմզգի. գումարէ ի ձեռս նորա զաւրս պարսիկս եւ զհայաստանեայս, հրամայէ զնալ յերկիր իշխանութեանն իւրոյ»:

Այդ ժամանակ խոսրով 2-րդի դեմ ապստամբել էին Ամաղ, Ռուեան, Զրեճան, Տապարաստան գավառները: Սմբատ Բագրատունին այս ապստամբությունները ճնշում և երկրում վերականգնում է կարգը: Նա այդ կողմերում (Թուրքեստան) հանդիպում է հայերի (որոնց ավելի վաղ շրջանում գերեզմարել և թնակեցրել էին այդ կողմերում), որոնք մոռացել էին մայրենի լեզուն, գիրն ու գրականությունը:¹ Նա, Սմբատ Բագրատունին, վերականգնում է այդտեղի հայերի համար եկեղեց. կարգը, հաստատում է նրանց համար եպիսկոպոս (Հարել անունով), զբաղվում է դպրոցների բացման և մայրենի լեզվով գիր ու գրականություն տարածելու գործով:

Սմբատ Բագրատունին՝ ճնշելով բոլոր խռովություններն ու ապստամբությունները, երկրում վերականգնելով կարգը, այնտեղ մարզպան է մնում ութ տարի (601—608): Այս կապակցությամբ պարսից արքան նրան նվերներ

¹ Սերբոս, էջ 94:

² Նույն տեղում:

³ Նույն տեղում, էջ 93: Տե՛ս նաև Զովհան. կաթ., էջ 69—70, Վարդան, էջ 84:

«... բարձր պատիվներ է տալիս — «պատուով մեծացուցանել ի վեր քան զամենայն մարգարանս իւրոյ ակրութեան առնելով, եւ զամենայն անաթիս մատուցանակացն առաքել նմա ոսկի, եւ հանդերձս թագաւորականս, արտախուրակս ոսկեզաւածս եւ զանգապանակ ակամբք եւ մարգարտովք կարգեալ»¹ Սմբատի որդին. Վարդգէսիւցը նույնպէս արժանանում է բարձր պատիվներին:

Սմբատ Բագրատունին ութը տարի մարգպան մնալուց հետո վերադառնում է Հայաստան (603—9 թ.) և Դվինում շինում է Ս. Գրիգորի անվան եկեղեցին: Թե որքան մեծ հեղինակություն և դիրք ունէր Սմբատ Բագրատունին պարսից պալատում, այդ երեւում է հետևյալից, — երբ Դվինում կառուցում են եկեղեցի. Դվինի պարսիկ բերդապահը բողոքում է թե եկեղեցին մոտ է բերդին և խանգարում է: Այն ժամանակ խոսքով 2-րդը հրամայում է քանդել բերդը և շինել եկեղեցին: Սմբատ Բագրատունին խոսքով 2-րդից խնդրում է Հայաստանում կաթողիկոս ձեռնադրելու թույլտվություն: խոսքով 2-րդը դրան ես ընդառաջում է. Հայաստանում կաթողիկոս է ձեռնադրվում Աբրահամ Թշտունցին:

Հայաստանում գործերը կարգի բերելուց հետո, նա նորից հրավիրվում է պարսից պալատ, որտեղ արժանանում է նոր, բարձր պատիվների, և կոչվում է խոսքով-Շում:² Ապա ուղարկվում է Արևելք՝ քուշանների դեմ, հաղթում է քուշաններին, որոնց թագավորին սպանում է մեկնամարտի մեջ:³ Սմբատ Բագրատունին այս պատերազմից հաղթանակով վերադառնալով մեծ շքով ու հանգստանալով ընդունվում է խոսքով 2-րդի պալատում: Նա արժանանում է մի նոր փառքի՝ խոսքով 2-րդի պալատում ստանում է 3-րդ նախարարի դահլիճ: Փառքի և հզորության այս բարձրության վրա մնում է մինչև իր մահը, որ տեղի է ունենում խոսքով 2-րդի թագավորության 28 տարում, այսինքն 618—19 թվին: Նրա մարմինը բերում և թաղում են Կոգովիտ դավառի Դարույնքում:⁴

¹ Սեբեոս, էջ 101.

² Նույն տեղում.

³ Նույն տեղում, էջ 103.

⁴ Նույն տեղում.

Նույն տեղում, էջ 103. «Խոսքով Շում» բացատրվում է որպես «դավառ կամ դրուսա խոսքովու» և եւ Սեբեոսի Պատմության 326 էջի ծանոթությունը:

Նույն տեղում էջ 107.

Նույն տեղում, էջ 106.